


## THU CHHIAR AṬANGA HRIAT THIAMNA



**CHÂNGVAWN:** “Tichuan Filipa chu a hnênah chuan a va tlân a, zâwlnei Isaia lehkhabu a chhiar a ngaithlâ a, ‘I chhiar kha a awmzia i hria em?’ a ti a,” (*Tirhkohte* 8:30, NKJV).

**SABBATH CHAWHNÛ**

*December 28*

**Chhiar Tûr:** *Nambar* 14:34; *Daniela* 9:23; 10:11, 12; *Jona* 3:3–10; *Luka* 24:25–27; 2 *Petera* 3:11–13.

**K**AN kohhran hi, tûn kuartara kan zir ho *Daniela* bu chhûng Naṭanga lo ding a ni a. Kan zir ṭan lai hian, a bu pum pui kan zir chhoh zêlnaa min kaihruai tûrin hêng hi rilrûah kan vawng tûr a ni.

Pakhatna, Krista chu Bible pum pui thupui ber a nih angin, *Daniela* bu thupui a ni tih kan hre reng tûr a ni.

Pahnihna, *Daniela* hian a sawi tum pawimawhte kan man thiam theih nâna kan sâwtpui tûrin lehkhabu bu thu inrem dân mâwi taka rem fel thlap a ni.

Pathumna, hmân leh nakin chungchâng hrilh lâwkna danglam dân kan man thiam tûr a ni. Chû chuan *Daniela* hrilh lâwkna leh zâwlnei Isaia, Amosa leh Jeremia-te hrilh lâwkna danglam dân hre thiam tûrin min ṭanpui ang.

Palîna, *Daniela*-a hun hrilh lâwknate kan zir hian, Hêng hrilh lâwkna hun rei tak awhte hi hrilh lâwkna ni khatin kum khat a tluk tih hmanga teh a ni tih kan hre thiam tûr a ni.

Pangâna, Daniela bû hian hrilh lâwkna thûa bengvârna min neihtîr ngawt ni lo vin, kan tûnlai mi mal nun atân a pawimawh hlê tih kan hre bawk tûr a ni.

SUNDAY

December 29

**Krista: Daniela Thupui Chu**

**Chhiar tûr: Luka 24:25–27; Johana 5:39; 2 Korin 1:19, 20.**  
**Eng tiang kawngtein nge Krista chu Pathian Lehkha Thu laipui ber a nih?**

Pathian Lehkha Thu laipui ber chu Isua a ni tih chu inzawh thû a chêng lo, chutah chuan Daniela bû pawh hi a tel a. Entîr nân, Bung 1-na hian, Daniela nun tawng kha, hê khawvêl suala khata chêng tûr leh thim thuneihnate hmachhawn tûra Kristan vân a chhuahsan dân thâwitham deuhin a entîr a. Chu bâkah, Daniela leh a thiante kha Babulon hnamzia hmanga chona hmachhawn thei tûra Kristâ-finna anga thuâm an ni. Bung 2-na hian tâwpna-hun chungchâng târ langin, Kristâ lalramin khawvêl lalramte a la luahlan tûr chu a kâwk a. Bung 3-na hian rawhtuina chhûng meipui zînga Kristan A chhiahhlawh rinawmte a lènpui dân a lantîr a. Bung 4-na hian Nebukadnezzaran “Vân lam thuneihna” (*Daniela 4:26*, NKJV) a hriat thiam theih nâna Pathianin a lalram aţanga hun eng emaw chen a sawn bo rih kha a târ lang a.

“Vân lam thuneihna” tih hian *Daniela 7*-a “Mihring Fapa” (*Daniela 7:13*, NKJV) anga târlan Kristâ hnêna ‘rorêlna te, ropuina te, lalramte pêk’ tih kha min hriattîr a. Bung 5-na hian khâ hlimhlawp leh nawmsip bâwl zâna Lal Belshazzar thah a nih a, Babulon a lo tlâwm a, Persia mîte kuta a awm tân kha min entîr a. Hei hian Setana hneh a la nih tûr, Krista leh A vântirhkohten tâwpna-hun Babulon an la nuai bo tûr chu a lo entîr lâwk a ni. Bung 6-na hian puithiam lalten Isua beih rawna dik lo taka an hêk vêlna anga Daniela an phiar rûk a nih dân a târ lang.

Chû bâkah, Lal Darian Daniela hum tuma a beihna a hlawhchham ang khân, Pilatan Isua chhuah a tumna chu a hlawhchham a nih kha (*Matthaia 27:17–24*). Bung 7-na hian Krista chu Mihring Fapa, lalram leh A mîte chungâ rorêlna changanga târlan a ni. Bung 8-na hian Krista chu vân biak bûka puithiam angin a târ lang a. Bung 9-nain Krista chu inthâwina thil hlan anga târ langin, a thihna zârah Pathian leh A mîte kâra thuthlung chu nemngheh a ni. Bung 10-12 hian Krista chu Mikaela, Vân sipai ruâlthe Hotu Lû ber, sual sipaite do va, thihna thuneihna ațang meuh pawha Pathian mîte chhanchhuaktu a nihna a lantîr a ni.

Chutiang chuan Daniela (bu) thupui chu Krista a nihzia hi rilrûah vawng ila. A bung tin mai hian eng emawti zâwng takin Krista chu a lo kâwk zêl mai a ni.

**Harsat-buai leh fiahna kârah leh hmuingîl leh hlimna nasa tak thlen lai meuh pawhin, engtin nge Krista chu kan nun laipui nihîr reng dân kan zir theih ang? Chutianga kan tih chu eng vângin nge a pawimawh viau?**

**THAWHTANNÎ**  
**Daniela (Bu) Ziarâng**

*December 30*

Daniela bû hi a ðhen Aramaic ðawng, a ðhen Hebrai ðawnga ziah a ni a; Aramaic-a ziah chin (2-7) inrel dân hmang hian heta târlan ang ziarâng hi a zui a, chû chuan a bu ðhen hrang hrang thuchah laipui chu a nemnghet nawn leh a ni:

- A. Nebukadnezzaran inlârnaah lalram palî a hmû (*Daniela 2*)
- B. Pathianin Daniela ðhiante rawhtuina meipui ațangin a chhanchhuak (*Daniela 3*)

**C. Nebukadnezzara chungâ rorêlna (*Daniela 4*)**

**C2. Belshazzara chungâ rorêlna (*Daniela 5*)**

- B2 .Pathianin Daniela chu sakeibaknei pûk ațangin a chhanchhuak (*Daniela 6*)

- A2 . Danielan inlârnaah lalram palî a hmû (*Daniela 7*)

Hetianga thu ziak awmze nei taka rem a nih hian a thu laipui ber chu a lâia dah a ni ðhîn a, chû chu C leh C' (*Daniela 4 leh 5*) thû: Pathianin Nebukadnezzara lalram (hun rei vak lo) a sawn bo rih lawk a, Belshazzara erawh chu a la bo hlen hmiah a ni. Chutiang chuan, bung 2 aţanga 7-in a sawi uâr chu lei lalte chungah Pathianin thuneihna tâwp a nei a, A duh chu tungdingin, A duh loh chu a titlâwm leh mai tih hi a ni.

Thuchah puan chhuah dân ðha zînga pakhat chu, a pawimawh lai han sawi nawn leh kher hi a ni. Entîr nân, Pathianin Faraoa hnênah Aigupta ram hmalam awm dân tûr chungchâng mumang pahnih hmangin a entîr a (*Gen. 41:1-7*). Mumang hmasa zâwkah chuan, bâwngpui thâu tak tak psarihte kha bâwngpui chêt pasarihin an ei zo mai a. Mumang pahnihnaah, buhvûi ðha tak tak psarihte kha buhvûi sîkhâw tê tê pasarihin an ei zo a nih kha. Khâng mumang pahnihte khân kawh pakhat an nei a: Kum ðhat kum sarîh chu ðâm kum sarîhin a rawn zui leh dâwn tih a ni.

Daniela bû-ah hian Pathian pawhin A sawi nawn a. Hrilh lâwkna thil palî, sawi nawn lehte chu a thil sawi tum bulpui chu a ni. A tâwpah chuan, chûng thilte chuan Pathian chu thuneitu tâwp a nihzia an târ lang a. Khâng hrilh lâwkna thûten an târlan kha thil hrang angin lang mah se, hun thuhmun chungchâng an sawi ðeuh a; chû chu zâwlnêi hun aţanga tâwpna hun thleng niin, chû chu a hnuaiah hian târlan ang hi a ni:

<i>Daniela 2</i>	<i>Daniela 7</i>	<i>Daniela 8, 9</i>	<i>Daniela 10-12</i>
Babylon	Babylon		
Media-Persia	Media-Persia	Media-Persia	Media-Persia
Greece	Greece	Greece	Greece
Rome	Rome	Rome	Rome
Pathian Lalram Din	Vân Rorêlna Lei Thar va thleng phâk	Biak bûk tlenfai	Mikaela a ding chhuak

**Hun rei zâwk thlîrin, hêng chângte hian eng beiseina ropui tak nge min hlui?** *Daniela 2:44; Sâm 9:7-12; 2 Petera 3:11-13.*

THAWHLEHNÍ

December 31

**Daniela (Bû-a) Tâwpna Hun Hrilh Lâwkna**

Daniela bû-a hrilh lâwkna thûte hi Thuthlung Hlui zâwlnei dangte hrilh lâwkna thuchahte nêen a inang chiahe lo. Daniela hrilh lâwkna thûte hi *Tâwpna Hun* chungchâng a nih laiin, Thuthlung Hlui hrilh lâwkna dangte hi chu *hun liam ta* chungchâng a ni tângpui a. Chûng thil pahnihte danglamna tak man thiam chu, Bible hrilh lâwkna hriat thiam nân a pawimawh hlê a ni.

Chûng hrilh lâwkna chi hnihte thliâr hranna tûr thil pawimawh thenkhat chu:

*Inlârnate leh Mumangte.* Tâwpna hun chungchâng hrilh lâwkna hmanga A thuchah zâwlneite hnêna hrilh tûrin Pathianin inlârnate leh mumangte a hmang tângpui a. Hun Liam Ta hrilh lâwkna ang chî-ah chuan, zâwlneiten “LALPÂ Thû chu” an dawng a, chutah chuan inlârnate pawh a tel thei a. Chutiang ang chî zâwlneiten an dawn hi vawi 1,600 vêl lai târlan a ni.

*Entîr Chihrang Nei.* Hun Liam Ta hrilh lâwkna ang chî-ah chuan entîrna hman tlêm deuh zâwk niin, chutah chuan nuna thil thleng pângngaite hman a ni deuh thîn a; Tâwpna Hun hrilh lâwknaah erawh chuan Pathianin mihring nun khawvêla awm pângngai rêng ni lêm lo, ngaihruât thil hmangtein entîrna a pê a, khang ang ransa hlauhawm leh mak danglam tak tak, kî leh thla nei angte kha.

*Pathian thuneihna leh delhkih nei lo.* Hun Liam Ta hrilh lâwkna kha, Pathian leh Israelte inkâra thuthlung, mihringten an chhânlet dân azira thlenga thleng lo theite an ni. Tâwpna hun hrilh lâwkna hmangin Pathianin Daniela hun ațanga tâwpna hun thlenga khawvêl lalramte dinchhuah leh tâwm chungchâng a târlang a. Hetiang hrilh lâwkna ang chî hi hmalam thil Pathianin a

hriat lâwkna leh thuneihna tâwpa innghatniin, mihringte thutlûkna chu eng pawh ni se, a thleng dâwn tho tho a ni.

**Jona 3:3–10 chhiar la. Hei hi a eng ang châ zâwk chu nge ni? I chhâna sawi fiah la. Daniela 7:6 hi eng châ nge ni vê thung ang?**

Hrilh lâwkna thû zâu taka hriat a, hun liam ta hrilh lâwkna leh tâwpna hun hrilh lâwkna a nih dân man thiam hi a hlâwkpuai awm thei hlê a. Pakhatnaah, Pathianin hrilh lâwkna thutak hriattîr tûrin tih dân hrang hrang (*Heb. 1:1*) a hmang thîn. Pahnihnaah, chutiang hriatna chuan Bible thu mâwina min ngaih hluttîrin, zir chian ngâi a nihzia min hriattîr. Pathumnaah, hê hriatna zârah hian, “thutak thû” (*2 Timothea 2:15*) dik taka hrilh fiahin, Bible pum pui sawi tum nêna inrema hrilh fiah tûrin min tanpui bawng ang.

**Hêng Bible chângte, Hosea 3:4, 5; Amosa 8:11; Zakaria 9:1 behchhan hian, tûnlai Kristian thenkhat chuan khawvêl tâwpna hun thil thleng tûrte hi Bible Ram vêla thleng tûrin an ngai. Chû hrilh fiahna chu eng nge a dik lohna? Engtin nge hrilh lâwkna chi hnihte kêr man thiamna zârah hetiang châ hrilh lâwkna hi kan thliâr hran theih ang?**

NILÂINI

*January 1*

**Pathian Hun Ruâtna**

Daniela bû kan zir laia rilrûa kan vawn reng tûr thil pawimawh dang leh chu, tâwpna hun chungchâng hrilh lâwkna kan zir rêng rêngin, hun kal ta, tûn hun leh nakin huna thleng tûr a ni thei tih (historicist) hi kan hre reng tûr a ni. Hrilh lâwkna chungchâng a hun kal taa thleng tawh, nakin hmalam huna thleng tûr, leh duhthusâm a ni tih ngaih dân neitûte thlîr dân nêna khaikhin thiam pheih chuan hriatna a chiang duh leh zual thîn a ni.

*Thleng Tawh (Preterism)* ngaih dân zuitûte chuan Daniela târlan thilthlengte hi chu hmânlai huna thleng vek tawh angin an ngai a. *Nakina Thleng Tûr (Futurism)* ngaih dân zuitûte chuan kan hmalam huna lo la thleng tûr angin an ngai thung.

*Duhthusâm (Idealism)* ngaih dân neitûte erawh chuan, tâwpna hun hrilh lâwknaate hi khawvêl hun englai bîk maha a taka thleng tûr ni lo, thlarau nun lama thleng tûr entîrna angin an ngai vê thung.

*Thleng Tawh, Thleng Mêk, La Thleng Tûr (Historicism)*, anni hi chuan, tâwpna hun hrilh lâwknaate hi zâwlni hun ațanga tâwpna hun thlenga khawvêl chanchina thleng famkim chho zêl tûr Pathianin a lo târlanna angin an ngai. Daniela bû kan zir chhoh zêl laiin, hê lehkhawua inlârna pawimawh zualte (*Daniela 2, 7, 8, 11*) kan hmû ang a, thlîrna kil hrang hrang ațanga khawvêl thil thleng tlângpui sawi nawn leh, tlêma chiang deuh zâwka târlan a nih dân chu kan hre thei dâwn a. Adventist sûlsutûte khân, Pi Ellen G. White-i pawh telin, Daniela leh Thupuan-a Bible hrilh lâwknaate an hriat thiam dân chu ‘historicist’ thlîr dân kan tih ang hi a ni.

### **Chhiar tûr: Nambar 14:34; Ezekiela 4:5, 6. Hrilh lâwkna ățangkamah ‘nî khat’ hian eng nge a lo entîr tlângpui thîn?**

Daniela bû kan zir hian, hrilh lâwkna hun hi ni khatin kum khat a tluk tih hi rilrûah kan wawng reng tûr a ni. Chû chu hrilh lâwknaa ni khat tih khân a takah chuan kum khat a tluk tihna a ni. Entîr nân, hrilh lâwknaa ‘tlâi leh zîng 2,300’ (*Daniela 8:14*) tih pawh hian a takah chuan kum 2,300 a tluk tihna a ni. Chutiang zêlin, hapta 70 pawhin kum 490 a tluk tihna a nih chu (*Daniela 9:24–27*).

Hetianga hun chhiar dân hi a dik a ni tih tichiangtu chu: 1) Inlârnaate kha entîrna hmanga pêk a ni a, chuvângin hunte pawh kha entîrnei tho a ni vê tûr a ni. 2) Inlârnaa thilthlengte kha hun rei tak chhûnga rawn inpuang chhuak, thil thênkhatte phei chu ‘tâwpna hun’ thleng phâk hial a nih avângin, hêng hrilh lâwknaatea hun sawinate pawh hi chutiang tho va hrilh fiah tûr chu a ni ang. 3) Daniela bû hian ‘ni khatin kum khat a tluk’ tih ngaih dân hi a thlâwp.

Hapta 70 hrilh lâwknaah hian chutiang entîrna fiah tak chu a hmuh theih a, Lal Artaxerxes-a hun aţangin, Isua Messia lo kal thleng a hawlh a ni. Chutiang chuan, Daniela bûa hun chungchâng hrilh lâwknaate hi ‘ni khatin kum khat a tluk’ tih dân hmanga hrilh fiah chu tih dân tûr dik leh chiang ber a ni tih a lang.

**Hêng hrilh lâwkna hun thenkhat hian kum zâ, sâng laite pawh a huâm a. Hei hian chhel/dawntheihna neih chungchâng eng nge min zirtîr?**

NINGÂNĪ

January 2

**Tûn Hun Atâna Daniela Pawimawhna**

Kum 2,500 chuâng maha ziah tawh kha a ni nân, keini kum zabi 21-naa mîte tân hian Daniela bu hi a la pawimawh êm êm reng a. Kan tâna a pawimawhna kawng thum lo târ lang ila:

*Pathian chu kan nuna thuneitu tâwp a ni.* Thil duhawm lo takte a thlen lai pawhin, Pathian chu thuneitu tâwp niin, A fâte tâna tha ber tûrin mihringte finna hmangin a thawk thîn a. Babulona Daniela thil tawn kha Aigupta rama Josefa thil tawn leh Persia rama Estheri thil tawn nêkhan a inang deuh a. Khâng thalai pathumte kha ram danga tâng, Pathian hre lo hnam dangte thuneihna chîmbuai an ni. A lan dân maiah chuan, mi chak lo, Pathianin a hawisan angte pawhin a ngaih theih a ni mahnâ. Mahse, Pathianin chakna pên, thil namên lo tak a tihîr sî a ni. Keini pawhin fiahna te, tawrhna te leh dodâlnate kan tawh chângin, khâng Daniela, Josefa leh Estheri-te kha thlîr thîn ila. LALPA chu kan LALPA niin, chûng fiahna leh thlêmnate kârah pawh min insan ngai lo a ni tihnaah hian hian kan châwl vê thei ang.

*Pathianin khawvêl thilthlengte a thunun.* Eng emaw chângte chuan sual leh tharum thawhnaa khat khawvêl hian awmzia leh tum nei lo anga ngaiin kan ngaihtuahnate a buai thîn. Mahse, Daniela thuchah chu, Pathian chu thuneitu a ni tih hi a ni. Daniela bu bung tina thuchah chu, Pathian chuan khawvêl chanchin inher zêl hi a



khalh tih hi a ni. Ellen G. White-i pawhin heti hian a sawi: “Mihringte chanchina hnamte than dân, lalramte lo dinchhuah leh tlûk hi mihring remruat leh thiamnaa innghat angin a lang thîn a. Thil thlengte pawh hi, eng emaw chenah, a thuneihna, thil tum leh rilru sùkthlêk ang ang awm angin a lang thîn. Mahse, Pathian thù-ah chuan puanzâr chu kaihhlîm niin, hnung lam te, chunglam te bâkah mihringte châkna, thiltihtheihna leh tuipui zâwng anga kalpui tawn vèl a nih dân chu kan thlîr thei a; Zahngaihnaa khata hmanruâte chuan ngâwi reng, chhel tak siin Amâ thiltuma thurâwn ang chu an hlen chhuak zâwk a ni.”—*Education*, p. 173.

*Pathianin tâwpna-huna A mîte nih tûr angin A chê.* Daniela leh a thiante kha vântlâng zînga entawn tlâk nunin an nung a, chu chu khawvêlin Bible a thlîr dân ang chuan âwm ang lo tak a ni., Pathian thù ang zêla rinawm taka awm tûr an nihna phatsan a, an rinna hnûk hniam tûra nawr an nih lai pawhin, LALPÂ chungah rinawm takin an awm zui zêl a. An rinawmna nuntawng leh Lalpâ tâna an inpêkna khân, chanchin thâ avânga dodâlna leh tihduhdahna hial kan hmachhawn hunah pawh rinawm taka awm vè tûrin min chawk phûr thîn. Chutih ruâlin, Daniela khân LALPÂ chungah rinawm taka awm chungin, ram leh khawtlâng tân thil thâ eng emawte chu kan tihsak thei tho a ni tih a târ lang.

**Chhiar tûr: Daniela 9:23; Daniela 10:11, 12; Matthaia 10:29–31. Pathianin mimala harsatna kan tawhte min engtopuizia chungchâng eng nge hêng chângte hian an sawi?**

**ZIRTÂWPNI**

*January 3*

**Ngaihtuah Zui Tûr:** ”Anmahni Siamtu duh zâwng hre duhte kaihruai tûrin Bible hi ruat a ni a. Hrilhlâwkna thu nghet tak chu mihringte hnênah Pathianin a pê a; vântirhkohte leh Krista meuh pawh Daniela leh Johana hnênah, thil lo thleng thuai tûrte hrilh tûrin an lo kal a nih kha. Chûng thil, kan chhandamna atâna tûlte chu thup an ni lo ve. Rinawm taka thutak zawngtûte kal sualtîr tûr chî leh an rilru tibuai tûr chia puan chhuah an ni hek

lo. Zâwlnei Habakuka hmanga LALPAN a sawi ang khân, “Inlârna chu ziak la, a chhiartuin tlan paha a chhiar theih khawpa chiangin ... ziak rawh,” (*Habakuka* 2:2) tih a ni. Pathian Thu chu, thinslung taka tawngtaina nêna zirtu tân chuan a chiangin a fiah a, mi rinawm takzette chu thutak êngah an lo kal ang. “Mi fel tân chuan êng chi thehsak a ni tîn,” (*Sâm* 97:11).”—Ellen G. White, *The Great Controversy*, pp. 521, 522.

“Daniela leh a thiantie chanchin kha chhik takin zir ula. An awmna hmuna mahni nawmsak bâwl tûra thlêmnate kil tina tawngin, an nî tin nun hmanga Pathian chu châwisâng leh châwimâwiin an nung a. Thil tsa lo zawng zawng an ti vê duh ngai lo. Hmêlmapâ kawngah mahni an indah duh lo va. Rinawm taka an din nghet tlatna chu Pathianin malsâwmna nasa tak a vûr ta a ni.”—Ellen G. White, *Manuscript Releases* [No. 224], vol. 4, pp. 169, 170.

### Sawi Ho Tûrte:

❶ Daniela bû kan zir hian, thil pawimawh tak pakhat a lo lang. Pathian chu hnam zawng zawngte chungathuneitu ni mai lo vin, ani chu thûk tak thlenga kan kawm ngeih theih a ni bawk. Entîr nân, *Daniela* 2-ah Ani chuan amah hrelotu lal hnênah mumang a neihtîr a. Mîte an muthilh laia an mumang lama thil a hrilhna khân, kan hriat thiam phâk bâka min hnaihzia a târ lang a. Chutih ruâlin, mumang khân Pathian chu engkim chungathuneitu, khawvêl lalramte awm dân tûr a tâwp thlenga hretu a nihzia pawh a târ lang a ni tih kan la hmu tel tho bawk ang. Chutiang a nihna a tang chuan eng thlamuanna leh beiseina nge kan chhar thar theih ang? Chutih ruâlin, Pathian chu i bul hnâi maia awm, i ngaihtuahna nêl lama hretu che a ni tih i hriatin, eng rilrû nge i put? Heta tân hian engati nge Kraws-a thutiam kha a pawimawh viau?

❷ In class-ah, hrilh lâwkna chi hnihte chungchâng kha sawi ho ula. Chutiang entîrna tûr engte nge Bible-ah in hmuh theih ang?